

**Adroddiad i'r:** Pwyllgor Craffu Cymunedau

**Dyddiad y Cyfarfod:** 12 Ebrill 2012

**Awdur yr Adroddiad:** Cydgysylltydd Craffu

**Teitl:** Rhaglen Waith Craffu

---

**1. Beth yw byrdwn yr adroddiad?**

Mae'r adroddiad yn cyflwyno rhaglen waith y Pwyllgor Craffu Cymunedau i'r dyfodol, i'r aelodau ei hystyried.

**2. Pam cyflwyno'r adroddiad hwn?**

Gofyn i'r Pwyllgor adolygu a chytuno ar ei raglen o waith i'r dyfodol a diweddarau'r aelodau ar faterion perthnasol.

**3. Beth yw'r argymhellion?**

Bod y Pwyllgor yn ystyried yr wybodaeth a gyflwynwyd ac yn cymeradwyo, diwygio neu newid ei raglen waith i'r dyfodol, fel y tybia'n briodol.

**4. Manylion yr adroddiad**

4.1 Mae Cyfansoddiad Cyngor Sir Ddinbych yn gofyn i'r pwyllgorau craffu baratoi ac adolygu rhaglen ar gyfer eu gwaith i'r dyfodol. Trwy adolygu a blaenoriaethu materion, gall yr aelodau sicrhau bod y rhaglen waith yn cyflwyno agenda a arweinir gan yr aelodau.

4.2 Gofynnir felly i'r Pwyllgor ystyried ei raglen waith ddrafft ar gyfer cyfarfodydd yn y dyfodol, fel y manylir yn atodiad 1, a chymeradwyo, diwygio neu newid y rhaglen fel y tybia'n briodol gan gymryd i ystyriaeth:

- faterion a godwyd gan aelodau'r Pwyllgor
- materion a gyfeiriwyd ato gan Grŵp Cadeiryddion ac Is-gadeiryddion Craffu
- perthnasedd blaenoriaethau'r Pwyllgor / y Cyngor / y gymuned
- Cynllun Corfforaethol y Cyngor ac Adroddiad Blynyddol y Cyfarwyddwr Gwasanaethau Cymdeithasol
- baich gwaith y cyfarfod
- amseroldeb
- canlyniadau
- materion allweddol a gwybodaeth i'w chynnwys mewn adroddiadau

- trefnu pynciau addysg sy'n gofyn am bresenoldeb aelodau cyfetholedig statudol addysg
  - swyddogion a/neu Aelodau Arweiniol y Cabinet y dylid eu gwahodd (ac ystyried os yw eu presenoldeb yn angenrheidiol neu a fyddai'n ychwanegu gwerth)
  - cwestiynau i'w holi i swyddogion / Aelodau Arweiniol y Cabinet
- 4.3 Wrth ystyried eitemau i'w cynnwys ar y rhaglen waith yn y dyfodol, efallai y bydd yr aelodau yn ei chael yn ddefnyddiol ystyried y cwestiynau canlynol wrth benderfynu ar addasrwydd pwnc i'w gynnwys ar y rhaglen waith:
- beth yw'r pwnc?
  - pwy yw'r rhanddeiliaid?
  - beth sy'n cael ei ystyried mewn man arall
  - beth y mae angen i'r pwyllgor craffu ei wybod, a
  - phwy allai gynorthwyo?
- 4.4 Fel y crybwyllwyd ym mharagraff 4.1 uchod, mae Cyfansoddiad Cyngor Sir Ddinbych yn gofyn i bwyllgorau craffu baratoi ac adolygu rhaglen o'u gwaith at y dyfodol. I gynorthwyo gyda'r broses o flaenoriaethu adroddiadau, os yw swyddogion o'r farn bod y pwnc yn haeddu amser i'w drafod ar agenda fusnes y Cyngor, mae angen iddynt wneud cais ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n esbonio pwrpas, pwysigrwydd a chanlyniadau posibl materion a awgrymir. Nid oes ffurflenni cynnig o'r fath wedi eu derbyn i'w hystyried yn y cyfarfod hwn.
- 4.5 Bydd yr Aelodau'n gweld o'r rhaglen waith ddrafft sydd ynghlwm bod nifer o eitemau sydd wedi eu rhestru dan 'Faterion i'r Dyfodol' yn gofyn i'r Pwyllgor ystyried pwrpas yr adroddiadau a'r canlyniadau dymunol i'w cael o graffu ar y pynciau hyn. Adnabuwyd y pynciau/feysydd hyn yn y sesiwn hyfforddi a gynhaliwyd ar gyfer Aelodau ddeuddeg mis yn ôl. Gofynnwyd i'r Aelodau ystyried os oedd y pynciau hyn yn berthnasol o hyd ac yn haeddu cael eu cario ymlaen i'r Cyngor newydd. Os ystyrir eu bod yn berthnasol, er mwyn galluogi i swyddogion ddechrau paratoi adroddiadau i'w cyflwyno i gyfarfodydd yn y dyfodol, gofynnir i'r Pwyllgor benderfynu pam y mae'n dymuno derbyn adroddiadau ar y pynciau hyn a'r hyn y mae'n disgwyl ei gyflawni o'u craffu. Dylai'r pum cwestiwn a restrir ym mharagraff 4.3 gynorthwyo'r aelodau yn y dasg hon.
- 4.7 Rhaglen Waith y Cabinet i'r Dyfodol  
Mae copi o raglen waith y Cabinet i'r dyfodol ynghlwm yn Atodiad 2. Efallai y bydd y ddogfen hon yn ddefnyddiol i'r Pwyllgor wrth ystyried materion i'w cynnwys yn ei raglen o waith i'r dyfodol
- 4.8 Cynnydd ar Benderfyniadau'r Pwyllgor

Mae tabl yn crynhoi penderfyniadau'r Pwyllgor yn ddiweddar ac yn hysbysu'r aelodau o'r cynnydd ar eu gweithredu ynghlwm yn Atodiad 3 i'r adroddiad hwn.

## **5. Grŵp Cadeiryddion ac Is-gadeiryddion Craffu**

5.1 Dan y trefniadau craffu newydd, mae Grŵp Cadeiryddion ac Is-gadeiryddion Craffu wedi cymryd rôl pwyllgor cydgysylltu. Yn ei gyfarfod ar 29 Mawrth, ystyriodd y Grŵp gais gan Gadeirydd y Pwyllgor hwn bod effeithlonrwydd gorfodi mewn perthynas â baw cŵn yn destun craffu. Cytunodd y Grŵp gyda'r farn bod hyn yn haeddu gwaith craffu ac argymhellodd bod y Pwyllgor Craffu Cymunedau yn dod i'r eitem ar ei raglen o waith i'r dyfodol. Gofynnir i'r Aelodau felly ystyried y pwnc a phenderfynu pryd y dylai'r Pwyllgor ei ystyried.

5.2 Yn ddiweddar, cytunodd y Pwyllgor graffu'r Strategaeth ar gyfer Gorllewin y Rhyl, sy'n ffurfio rhan o raglen Y Rhyl yn Symud Ymlaen. Tua'r un pryd, penderfynodd y Pwyllgor Craffu Partneriaethau y byddai'n craffu'r ddwy ffrwd waith fawr arall sy'n ffurfio rhan o raglen Y Rhyl yn Symud Ymlaen – Ffrwd Waith Manwerthu a Chanol y Dref a Ffrwd Waith Twristiaeth a'r Llain Arfordirol. Roedd y ddau bwyllgor wedi gofyn am adroddiad ar y pynciau hyn ym mis Gorffennaf 2012. Ar ôl derbyn ceisiadau'r pwyllgorau, cysylltodd Rheolwr Rhaglen Y Rhyl yn Symud Ymlaen â'r Cydgysylltydd Craffu i esbonio, tra'i fod yn barod i gyflwyno adroddiadau ar y strategaeth a'r ffrydiau gwaith i'r ddau Bwyllgor, ei fod yn teimlo bod hon yn agwedd a oedd braidd yn ddigysylltiad tuag at graffu'r rhaglen a'i heffeithlonrwydd. Awgrymodd felly, pe byddai un pwyllgor yn cael y cyfrifoldeb o graffu'r rhaglen gyfan, y byddai'n cynrychioli agwedd mwy holistig ac y byddai'n fanteisiol i'r rhaglen gyfan. Cytunodd y Grŵp Cadeiryddion ac Is-gadeiryddion Craffu gyda barn Rheolwr y Rhaglen ac mae felly wedi argymhell bod y Pwyllgor Craffu Cymunedau yn cymryd cyfrifoldeb am graffu Rhaglen Y Rhyl yn Symud Ymlaen. Gofynnir i'r Pwyllgor drafod y cais hwn, ac os yw'n cytuno cymryd cyfrifoldeb am graffu Rhaglen y Rhyl yn Symud Ymlaen, i benderfynu a ddylid ehangu'r eitem ar Strategaeth Gorllewin y Rhyl sydd wedi ei threfnu ar gyfer 16 Gorffennaf i gynnwys y ddwy ffrwd waith arall yn y Rhaglen.

## **6. Sut mae'r penderfyniad yn cyfrannu at y Blaenoriaethau Corfforaethol?**

Bydd gwaith craffu effeithiol yn cynorthwyo'r Cyngor o ran cyflawni ei flaenoriaethau corfforaethol yn unol ag anghenion y gymuned a dymuniadau trigolion. Bydd datblygu ac adolygu rhaglen waith gydgysylltiedig yn cynorthwyo'r Cyngor gyda monitro ac adolygu materion polisi.

## **7. Beth fydd yn ei gostio a sut fydd yn effeithio gwasanaethau eraill?**

Efallai y bydd angen i'r gwasanaethau ddyrannu amser swyddog i gynorthwyo'r Pwyllgor gyda'r camau a nodwyd yn y rhaglen waith i'r dyfodol, a chydag unrhyw gamau a all ddeillio ar ôl ystyried yr eitemau hynny.

**8. Pa ymgynghori a fu?**

Nid oes angen ymgynghori ar gyfer yr adroddiad hwn. Fodd bynnag, mae'r adroddiad ei hunan a rhoi ystyriaeth i'r rhaglen waith i'r dyfodol yn cynrychioli proses ymgynghori gyda'r Pwyllgor mewn perthynas â'i raglen o waith i'r dyfodol.

**9. Pa risgiau sydd ac a oes unrhyw beth y medrwn ei wneud i'w lleihau?**

Nid oes unrhyw risgiau wedi eu hadnabod mewn perthynas ag ystyried rhaglen waith y Pwyllgor i'r dyfodol. Ond, trwy adolygu ei raglen o waith i'r dyfodol yn rheolaidd, gall y Pwyllgor sicrhau bod meysydd risg yn cael eu hystyried a'u harchwilio pan gânt eu hadnabod, a gwneud argymhellion gyda golwg ar ddelio â'r risgiau hynny.

**10. Pŵer i gymryd y penderfniad**

Mae erthygl 6.3.7 Cyfansoddiad y Cyngor yn nodi bod angen i bwyllgorau craffu'r Cyngor baratoi ac adolygu rhaglen o'u gwaith i'r dyfodol.

**Swyddog Cyswllt:**

Cydgysylltydd Craffu Ffôn: (01824) 712554

Ebost: [dcc\\_admin@denbighshire.gov.uk](mailto:dcc_admin@denbighshire.gov.uk)